

# 文忠公传

文忠公讳修，字永叔，安福令万公五代陈。诒公之派，于万公为九代孙，郑国公观之仲子。郑公为绵州军事推官，宋真宗景德四年，丁未六月二十一日寅时诞公于绵州之官第。祥符三年庚戌，郑公终于秦州审事判官。公方四岁而孤，时叔父为随州推官，母郑夫人，年方二十九，携公往依之，遂家于随。夫人守节自誓，亲诲之学，家贫，至以荻管画地，教公书字。公自幼敏悟过人，及冠岿然有声。在随年十岁，得唐韩愈遗稿六卷于废书簏中，读而心慕，乃苦志探索，至忘寝食，为诗赋，下笔如成人，叔父异之曰：“奇童也”。仁宗天圣八年庚午，公年廿四举进士，试南宫第一，擢甲科第十四，授将仕郎，充西京留守推官，时以文章名冠天下。九年辛未，行是翰林学士，胥公偃，时在汉阳，见公奇之曰：“子必有名于世”，许以女妻公，是岁亲迎于东武。明道二年癸酉，夫人胥氏卒。景祐元年甲戌，王文康公曙入枢府，荐公召试学士院，迁镇南军节度，掌书记，馆阁校勘，时三馆秘阁，所藏书多脱谬，诏委官编定，仿开元四部著为总目，公预焉，是岁，再娶谏议大夫杨公

大雅女。二年乙亥扬夫人卒。三年丙子范文正以言事贬饶州，公贻书责高若讷，坐贬峡州夷陵令。四年丁丑，移光化军乾德县令，是岁再娶薛简肃公奎女。宝元二年己卯改武成军节度判官。康定元年庚辰，范文正公起为陕西经略招讨安抚使；辟公掌收记，坚辞不就。六月召还，复充馆阁校勘修，崇文总目。十月转太子中允。是岁，子发生。庆历元年辛巳，崇文总目成。改集贤校理。二年考试别头举人，三月公拟进赋一首。赐敕书奖於谕，复差同智太常礼院，数论天下事、及陕西用师，会契丹遣泛使求关南地，宰相吕夷简荐富弼报聘，人皆危之。公上书引颜真卿使李希烈事，乞留弼不报，五月诏百官上封事，公应诏上疏言“三弊、五事。”八月遂力请外补，九月得通判滑州。三年癸未，仁宗广言路，增谏官，用天下名士。召公入知谏院。时西师入京，东西群盗起，国用不给。仁宗知朝臣不任事，登进杜正献、富文忠、韩忠献、范文正，分列二府，公每召对咨所宜行，会吕夷简罢相，夏竦为枢密使，复夺之代以杜正献，时韩范富等皆进用，石介作庆历圣德诗，公与尹师鲁、余安道皆以直，范公见逐，有党人之说。公乃为朋党论以进。面赐绯衣银鱼。顾辅臣曰：“如欧阳修者何处得来。”因详定国朝勋臣名次，同修三朝典故，同修起居注。遂

以右正言知制诰，仍供谏职。四年甲申，命公使河东计度废麟州及盗铸钱，并劄课额利害。七月使还，会保州军判，契丹声言讨西夏。八月出，公为龙图阁直学士，河北都转运按察使，陛辞帝曰：“勿为久留计有所欲言言之公对曰：“臣在谏识得论事，今越职而言罪也。”帝曰：“第言之，毋以中外为间。”九月三朝典故成书，以公与编纂赐诏奖谕。十一月南郊恩进阶朝散大夫，封信都县开国子，食邑五百户时杜公等相继以党议罢去。公慨然上疏，言杜衍、韩琦、范仲淹、富弼、天下皆知，有可用之贤，而不闻其有可罢之罪。今此四人一旦罢去，而使群邪相贺於内，四夷相贺於外，臣窃为陛下惜之。於是邪党尤恶公异已，又善言其情状，於是邪党益恶人，务为奇巧以中。五年乙酉，会公外甥女张氏嫁公族人晟，以事击狱，言事者乘此欲并中，公遂起诏狱穷治张产。上使中官监劾之，卒辩其诬，犹降官知滁州。十月至郡。是岁，子弈生。六年丙戌，公年四十，自号醉翁，作亭琅琊山以醉翁名之。七年丁亥，以南郊恩加上骑都尉，进封开国伯，加食邑三百户。是岁子棐生。八年戊子，转起居舍人，依旧知制诰，徙知扬州。己丑、皇祐改元，移知颍州，乐西湖山水之胜，将卜居。四月转礼部郎中，八月复龙图阁直学士。是岁子辩生。二年庚寅，改知应

天府，兼南京留守司事，明堂覃恩，转吏部郎中加轻车都尉。是岁，约梅圣俞卖田於颖。四年壬辰，丁母韩国太夫人忧，归颖州。五年癸巳、八月，自颖州护母丧归葬洧冈，胥、杨二夫人附焉，并修族谱。是冬复至颖。是年三月，改元至和。五月公服阕除旧官职。赴阙乞郡不许，时在外十二年矣。帝见其发白，恻然。怪问之，恩意甚至，命判吏部留内铨，小人恐公大用，谮之，出知同州。帝纳吴充言而止，迁翰林学士。诏修唐书，加史馆修撰，勾当三班院，摄太尉行事。至和二年乙未，改翰林侍读学士。集贤殿修撰，出之蔡州，未行。八月假右谏议大夫，奉使契丹。嘉祐元年丙申，使还进北使语录，复为翰林学士，判太常寺兼礼仪事，加上轻车都尉，进封乐郡开国侯，加食邑五百户，景祐中，与尹师鲁皆为古学，时、有诏戒天下学者为文，使近古学者，尽为古文。而公之文章遂为天下宗匠。二年丁酉，权知贡举赐御书，“文儒”二字。转右谏议大夫，摄太常卿，兼判秘阁秘书省兼侍读，辞不受。同修玉牒，加龙图阁学士权知开封府，承包拯威严之後，一切简易循理，不事风采。四年己亥，免开封转给事中，同提举在京，诸司库务，充御试进士，详定官赐御书“善经”二字，摄太尉行事，兼充群牧使；摄侍中行事，加护军食实封二

百户。是年夏四月庚午，公修欧阳氏族谱成，并刻石於泂冈西阳宫，至今族谱传於後世，次碑犹存西阳宫。五年庚子“唐书”成。拜礼部侍郎，兼翰林侍读学士。仁宗一日乘间见御阁春贴子，读而爱之，左右曰：“学士欧阳某之辞也。”乃悉取宫中帖阅之，见其篇篇有意，而叹曰：“举笔不忘规谏，真侍从之臣也。”未几，拜枢密副使，加食邑五百户，食实封二百户。六年辛丑三月，侍上宴後苑，赏花华景亭，钓鱼涵曦亭，赐宴太清楼。八月转户部侍郎，参知政事，进封开国公，加食邑五百户，食实封二百户，同修中书时政记，摄太尉行事。七年壬寅，摄侍中承旨宣制，提举三馆秘阁，并摄司徒，大饷明堂，礼成，进阶正奉大夫加柱国，仍赐推忠佐理功臣。上幸龙图天章阁，召辅臣等观三圣御书又幸宝文阁，亲飞白书，分赐群臣，公得双幅，大书“岁”字，亦有御押加御宝。王庭珪来题八字云：“嘉祐御札赐欧阳修。”又出御制观书诗一首，令群臣属和，公和之，遂宴群玉殿。再召近臣赴天章阁，观三朝瑞物；次赴宝文阁，观御飞白书。赐公“金花笺字”，复宴群玉殿。八年癸卯，奉敕充沈贵妃册礼使。四月英宗即位。奉敕书大行皇帝哀册谥宝。覃恩转户部侍郎，进阶金紫光禄大夫，加食邑五百户，食实封二百户，仍赐推忠，协谋

佐理功臣。治平元年甲辰，特转吏部侍郎。二年乙巳摄司空行事，进阶光禄大夫，加上柱国，食邑五百户。四年丁未正月，神宗初即位，覃恩转公尚书左丞，进阶特进加食邑五百户，食实封二百户，仍赐推忠，协谋同德，佐理功臣是岁公第三子棐登进士第，除公观文殿学士，转刑部尚书。知亳州，改赐推诚，报德崇仁，翊戴功臣。熙宁元年戊申，迁兵部尚书，改知青州，充京东东路安抚使。是岁筑第於颖。二年己酉冬，乞寿州便私计，不允。三年庚戌，除检校太保宣徽南院使，判太源府河东路经略安抚监牧使，兼并代泽潞麟府、岚石路、兵马都总管，公坚持不受，乃改知蔡州。九月至蔡，是岁更号六一居士。吾契古录一千卷，藏书一万卷，有琴一张，有棋一局，而常置酒一壶，吾老於其间，是为六一，自为传刻石。又名其文曰：“居士集。”公年六十，乞致仕者六。帝优诏弗许。熙宁四年公在楚，屡章告老。六月甲子，以观文殿学士，太子少师致仕阶，特进勋上柱国。食邑四千三百户，食实封一千二百户。公年未及谢事，天下益以此高公。公昔守颖，乐其风土卜居及归，而居室未完，处之怡然，不以为意。七月归颖，八月将视明堂，诏赴阙陪位，公上章乞免从之。礼成赐衣带器币牲饩。五年壬子闰七月二十三日，公薨於颖州汝阴之

私第，时年六十六。天子闻之震：悼，为之一日不视垂拱。八月丁亥，赠太子太师。天下学士皆出涕相吊。七年八月，谥“文忠”。初谥曰“文”，加谥“文忠”太常李清臣等合议曰：公维圣宋贤臣，一世学者之所师法，明於道德，见於文章。究览六经群史，诸子百氏，驰骋贯穿，述作数千百万言，以传先王之遗意，其文卓然自成一家。此司马迁、杨雄、韩愈、无所不及，而有过之者。方天下溺於末习，为章句声律之时，闻公之风，一变而为古文，咸知趋向根本。使朝廷文明不愧於三代汉唐者，太师之功，於治道、教化为最多。如太师，真可谓“文”矣。固宜以“文”谥，不复易也。然公平生好谏诤，当加献为“文献”无已，则加忠为“文忠”。众论以忠为太师之大节。太师常参天下政事，进言仁宗，气早下诏，立皇子，使有明名定分以安人心，及英宗继体今上即皇帝位，两预定策翊戴。有安社稷功，和裕内外，周旋雨宫间，迄於英宗之视政。盖太师天性正世，心诚通达明白，无所欺隐，不肯曲言顺俗以自求便安，好论列是非，分别贤不肖。不避人之怨诽诅嫉，忘身履危，以为朝廷立事。按谥法道德博闻曰“文”，廉方公正曰“忠”。公平生论文譔章，务明尧、舜、孔、孟之教，於已坏之後，可谓道德博文矣。排左右持禄取容之类，

特建万世无穷之策而不自以为功，可谓廉方公正矣。太常易名曰：“文忠”庶乎天下有以知公议之不能泯也。八年九月乙亥，敕葬开封府新郑县、旌贤乡、阳缓堡。元丰三年以子发升朝，遇大典，赠太尉。八年赠太师，追封康国公。绍圣三年，追封兖国公。崇宁三年以子裴遇郊，恩追封秦国公。致元三年追封楚国公。公博古嗜学、凡周汉以降，金石遗文，断编残简，一切掇拾研稽异同，类为一千卷，以校正史传百家讹谬之说，谓之“稽古录”。奉诏修唐书记志、表记十卷，志五十卷，表十五卷。又自撰“五代史”七十四卷。苏东坡叙其文曰“论大道似韩愈，论事似陆贽，记事似司马迁，诗赋似李白。”识者以为知言。所著有易童子问三卷，诗本义十四卷，居士集五十卷，归荣集一卷，外制集三卷，内制集八卷，奏议十八卷，四六集七卷，集古录跋尾十卷，杂署十九卷传於世。枢密使吴公充述其状；韩魏公铭其墓苏文定公表其阡，特祀庐陵忠节祠首位。祀各郡邑乡贤名宦二十四处。嘉靖中，从祀文庙，庐陵称忠节之邦，盖自公始云。